

Neslužbena prečišćena verzija Zakona o poslanicima Skupštine Brčko distrikta Bosne i Hercegovine sadrži: Zakon o poslanicima u Skupštini Brčko distrikta Bosne i Hercegovine („Službeni glasnik Brčko distrikta BiH“ broj 29/04), izmjene i dopune Zakona o poslanicima u Skupštini Brčko distriktu Bosne i Hercegovine („Službeni glasnik Brčko distrikta BiH“ brojevi: 19/07, 2/08, 17/08, 1/09, 27/14 i 52/17, 08/19, 10/19 i 21/22).

**ZAKON
O POSLANICIMA SKUPŠTINE
BRČKO DISTRIKTA BOSNE I HERCEGOVINE
(Neslužbena prečišćena verzija)**

I. OPĆE ODREDBE

**Član 1
Svrha**

Ovim zakonom uređuju se osnovi kojima se poslanici rukovode prilikom ostvarivanja prava i izvršenja dužnosti u Skupštini Brčko distrikta Bosne i Hercegovine (u daljem tekstu: Skupština).

**Član 2
Obavljanje nadležnosti**

Poslanici će obavljati svoje nadležnosti u skladu sa Statutom Brčko distrikta Bosne i Hercegovine, ovim zakonom, Zakonom o sukobu interesa u institucijama Brčko distrikta Bosne i Hercegovine, Poslovníkom Skupštine Brčko distrikta Bosne i Hercegovine.

**Član 3
Slobodni mandat**

- (1) Poslanici su predstavnici svih građana Brčko distrikta Bosne i Hercegovine. Oni su slobodni i nezavisni u vršenju mandata.
- (2) Poslanici stupaju na dužnost po polaganju zakletve na konstitutivnoj sjednici Skupštine, koju saziva predsjednik, odnosno potpredsjednik Skupštine ranijeg saziva (ukoliko predsjednik Skupštine ranijeg saziva nije ponovo izabran za poslanika), u roku od dvije (2) sedmice od potvrđivanja izbornih rezultata.
- (3) Predsjednika i potpredsjednika Skupštine poslanici biraju na način koji je propisan članom 29 Statuta Brčko distrikta Bosne i Hercegovine (u daljem tekstu: Statut).

Član 4

- (1) Naredbe i uputstva nisu obavezujući za poslanika, on se rukovodi samo sopstvenom savješću.
- (2) Mandat pripada poslaniku, a ne političkoj stranci, koaliciji ili listi nezavisnih kandidata koja ga je kandidovala na listi kandidata.
- (3) Dogovori koji se odnose na davanje ostavke na mandat poslanika prije ili tokom skupštinskog mandata biće ništavni.

**Član 5
Izvršenje mandata**

- (1) Poslanici će svoje mandate izvršavati individualno i nezavisno.
- (2) Dogovori koji se odnose na način izvršenja mandata biće ništavni.

Član 6

Zabrana diskriminacije

- (1) Poslanici neće biti izvrgnuti diskriminaciji zbog kandidature za mjesto poslanika, dobijanja mandata i izvršenja mandata.
- (2) Neće biti diskriminacije na radnom mjestu: poslanici neće dobiti otkaz s radnog mjesta zbog kandidature na mjesto poslanika, dobijanja mandata i izvršenja mandata.
- (3) Izuzetno od prethodnog stava, radno pravni status lica zaposlenih u oragnima javne uprave i institucijama Brčko distrikta BiH, nakon kandidovanja, dobijanje mandata i izvršenje mandata poslanika, regulisat će se u skladu sa odredbama Zakona o državnoj službi u organima javne uprave Brčko distrikta BiH.
- (4) Poslanici imaju pravo na slobodno vrijeme neophodno za izvršenje njihovog mandata.

II. POSLANIČKI IMUNITET, USKRAĆIVANJE DOKAZA, PRAVO NA INFORMISANOST, PRAVO NA PREDLAGANJE, POSLANIČKI KLUBOVI

Član 7

Imunitet

- (1) Poslanici neće biti krivično ili građanski odgovorni za bilo koju radnju izvršenu u okviru njihovih dužnosti u Skupštini.
- (2) Poslanici se mogu pozvati na imunitet u rokovima i na način kako je to predviđeno Statutom i Zakonom o imunitetu, za radnje izvršene u okviru njihovih dužnosti, ali se on ne može smatrati opštom preprekom za krivično gonjenje ili pokretanje parničnog postupka za radnje koje se ne odnose ili ne proizlaze direktno iz njihovih dužnosti.
- (3) U smislu ovog zakona “radnje izvršene u okviru njihovih dužnosti” podrazumijevaju radnje koje se odnose ili koje direktno proističu iz dužnosti koju poslanici imaju u Skupštini, kako je to utvrđeno u Statutu, zakonima i drugim propisima Brčko distrikta.

Član 8

Uskraćivanje dokaza

Poslanik u svako doba ima pravo da odbije da objelodani dokaz o licima koja su mu povjerila činjenice ili kojima je poslanik povjerio činjenice koje su vezane za izvršenje njegovog mandata.

Član 9

Oduzimanje i traženje

- (1) U skladu s pravom poslanika da odbije da da dokaze, samo uz saglasnost Skupštine može se izdati naredba da se oduzmu dokumenti ili elektronski zapisi poslanika, pretresu poslanici lično ili njihove kancelarije i stambeni prostori ili oduzme prepiska i prisluškuju telefonski razgovori.
- (2) Mjere navedene u stavu 1, ili korišćenje dokumentacije koja je ranije oduzeta, biće zabranjene u slučaju da Skupština nije dala saglasnost.

Član 10

Pravo na informisanost

- (1) Poslanik ima pravo da bude redovno i na vrijeme informisan o radu Skupštine, komisija, Vlade i uprave Brčko distrikta, kao i o svim drugim pitanjima koja su od važnosti za obavljanje njegove funkcije.
- (2) Tražena informacija ili izvještaj dostaviće se poslaniku u najkraćem mogućem vremenskom periodu, ali ne kasnije od 15 dana od dana prijema zahtjeva.

Član 11 Pravo na predlaganje

Svaki poslanik ima pravo da predloži predloge zakonskih akata u skladu s nadležnostima Skupštine.

Član 12 Poslanički klubovi

Dva ili više poslanika mogu da oforme poslanički klub u cilju koordinisanja svoga učešća u radu Skupštine.

III. NOVČANE NAKNADE

“Član 13 Novčana naknada

- (1) Poslanici imaju pravo na odgovarajuću novčanu naknadu s ciljem podržavanja svoje nezavisnosti.**
- (2) Predsjednik Skupštine ima pravo na mjesečnu osnovnu novčanu naknadu u sumi koja će iznositi 100 % mjesečne osnovne plate gradonačelnika Brčko distrikta BiH.**
- (3) Potpredsjednik Skupštine ima pravo na mjesečnu osnovnu novčanu naknadu u sumi koja će iznositi 100 % mjesečne osnovne plate zamjenika gradonačelnika Brčko distrikta BiH.**
- (4) Poslanici Skupštine imaju pravo na mjesečnu osnovnu novčanu naknadu u sumi koja će iznositi 70 % mjesečne osnovne naknade predsjednika Skupštine Brčko distrikta BiH.**
- (5) Predsjedavajući skupštinskih komisija imaju pravo na dodatnu mjesečnu novčanu naknadu u visini od 5 % naknade iz stave 4 ovoga člana.**
- (6) Novčane naknade iz stavova 2, 3, 4 i 5 ovoga člana podliježu porezu na dohodak.**
- (7) Visina novčane naknade predsjednika, potpredsjednika i poslanika utvrđuje se rješenjem koje donosi nadležna skupštinska komisija.”¹**

“Član 14 (Naknada određenih materijalnih troškova i druge naknade)

Poslanici imaju pravo na nadoknadu svih materijalnih troškova koji su nastali kao rezultat obavljanja poslaničke dužnosti, kao i pravo na druge nadoknade propisane zakonima ili opštim aktima Skupštine kojima se uređuju prava, obaveze i odgovornosti poslanika u Skupštini.”²

„Član 15 (Dodatak na novčanu naknadu)

„Dodatak na osnovnu naknadu poslanika koji su profesionalizovali mandate predstavlja uvećanje naknade po osnovu radnog staža i to kao dodatak od 0, 30 % (nula zarez trideset posto) na osnovnu naknadu za svaku navršenu godinu radnog staža.”³

IV. PENZIONO I ZDRAVSTVENO OSIGURANJE

Član 16

Skupština uplaćuje doprinose za penziono i zdravstveno osiguranje iz budžeta Brčko distrikta za one poslanike koji nemaju doprinose uplaćene na osnovu drugog zaposlenja.

¹ Zakon o izmjenama Zakona o zastupnicima Skupštine Brčko distrikta Bosne i Hercegovine („Službeni glasnik Brčko distrikta BiH“ broj: 21/22)

² Zakon o izmjenama Zakona o zastupnicima Skupštine Brčko distrikta Bosne i Hercegovine („Službeni glasnik Brčko distrikta BiH“ broj: 21/22)

³ Zakon o izmjenama Zakona o zastupnicima Skupštine Brčko distrikta Bosne i Hercegovine („Službeni glasnik Brčko distrikta BiH“ broj: 21/22)

Član 16a
(Profesionalizacija mandata)

- (1) Poslanici koji ostvaruju prvo iz člana 16 ovog zakona mogu podnijeti zahtjev za profesionalizaciju mandata poslanika u Skupštini Brčko distrikta BiH.
- (2) O utvrđivanju i prestanku statusa profesionalnog poslanika iz stava 1 ovog člana odlučuje rješenjem Komisija za upravu i finansije Skupštine Brčko distrikta BiH, a ukoliko nije formirana o zahtjevu odlučuje predsjedavajući konstitutivne sjednice Skupštine ili predsjednik Skupštine.
- (3) Poslanici kojima je utvrđen status profesionalnog poslanika su u profesionalnom radnom odnosu u Skupštini Brčko distrikta BiH.
- (4) Status profesionalnog poslanika prestaje utvrđivanjem prestanka prava iz člana 16 ovog zakona.
- (4) Status profesionalnog poslanika prestaje utvrđivanjem prestanka prava iz člana 16 ovog zakona.

“Član 17

Doprinosi se izračunavaju u skladu s važećim propisima na osnovu novčanih naknada i dodataka propisanih članovima 13 i 15 ovog zakona i odobravaju se u budžetu Brčko distrikta BiH.”⁴

V. PRELAZNE I ZAVRŠNE ODREDBE

Član 18⁵

Zakon o poslanicima Skupštine Brčko distrikta BiH stupio je na snagu 7. septembra 2004. godine, a njegove izmjene i dopune 17. jula 2007. godine, 20. februara 2008. godine, 21. maja 2008. godine, 30. decembra 2008. godine, 12. jula 2014. godine, 30. decembra 2017. godine, 4. aprila 2019. godine, 8. maja 2019. godine i 01. jula 2022. godine.

⁴ Zakon o izmjenama Zakona o zastupnicima Skupštine Brčko distrikta Bosne i Hercegovine („Službeni glasnik Brčko distrikta BiH“ broj: 21/22)

⁵ Zakon o izmjenama Zakona o zastupnicima Skupštine Brčko distrikta Bosne i Hercegovine („Službeni glasnik Brčko distrikta BiH“ broj: 08/19)

